

pyrethrum: pro quo animaduertendum quod hoc quod colligitur in Italia, quo pro pyrethro vtuntur aromatarii, non est pyrethrum. Lege de eo in philonio persico. Et de Aniso, vide in trochiscis de aniso. Paratur & hoc à modernis, in forma solida. Arnaldus vero de Villa noua in suo antidotario, habet hanc descriptionem in paucis variatam. Species autem huius confectionis non sunt subtiliter puluerizandae, sed sicut species Diacymini, & similia ventositatem expellentium, &c.

Diambra, &c.

XXII.



A ipsa Ambra tanquam ab excellentiori medicina, praesens confectione Diambra dicitur. Rectius tamen, Dia Ambra: & similiter Dia Anisum, esset scribendum & pronuntiandum, sed euphoniam, id est bonae sonoritatis gratia, exprimitur vnum a, à medio, vt in multis aliis consimiliter actum passim legitur. Communiter paratur haec confectione, sed in forma solida, &c. Aduerte quod ubi legitur, in praesenti descriptione, per impressos libros: Conface cum syrupo rosato, & aqua rosata. legendum est rectius: Conface cum syrupo ex aqua rosata. Quamobrem lege supra, in Diarhodon descriptione communi. Item in fine praesentis descriptionis per ipsos impressos libros legitur: Dosis eius est 3. iij. vel iij. Cassetur illud vel iij. & legatur simpliciter: Dosis eius est 3. iij. vt est in cunctis exemplaribus, & in vulgari editione. Filius quidem Serapionis in septimo habet duo electuaria de ambra, diueria tamen ab ista compositione. Sed Auicenna in quinto cap. tractatu tertio, primae summæ, habet Electuarium Alkeiin, dictum electuarium ambrae.

De Ambra.

Ambra quidem ab antiquioribus, & praecipue Graecis, non describitur. Apud Arabes autem & apud recentiores quosdam tantum, ipsam legimus: sed non possumus de ea certam habere notitiam: tum, quia in partibus nostris non colligitur: tum etiam, quia Authores non satis clare de ipsa pertractant: sed putant omnes, sic esse, vel sic iuisse, & audita narrant. Omnibus autem ipsorum dicti bene discussis, potius Serapioni quam ceteris credimus, scilicet quod (vt ipse refert) nascatur in fundo maris tanquam fungus in terra: & non quod sit sperma coeli, vel alia res, vt plurimi tabulantur. Ipsam etenim saepissime praeparationibus habemus, quid autem proprie sit, nescimus. Virtutes tamen